



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola Alexandri Papae III. Ad Episcopos Per Tvsciam Constitvtos.

urn:nbn:de:hbz:466:1-15588

ANNO
CHRISTI
1179.

EPISTOLA
ALEXANDRI PAPÆ III.

AD EPISCOPOS PER TVSCIAM CONSTITVTOS.

*Alexander episcopus seruus seruorum Dei venerabilibus fratribus
Pisano archiepiscopo, & vniuersis episcopis, & dilectis
filiis abbatibus per Tusciam constitutis salutem
& apostolicam benedictionem.*

QVONIAM in agro Domini, qui est ecclesia, tamquam spinæ & tribuli nascuntur quotidie & pullulant germina vitiorum, tum videlicet, quia proni sunt sensus hominis ad malum ab adolescentia sua; tum quia inimicus homo de malitia sua zizania superfeminare non cessat; & germen bonum nititur suffocare, necesse est diligentiam adesse cultorum, & nunc euellere, & amputare iam nata, nunc etiam nascituris nociuis *graminibus proficiendi aditum obserare, subsequenter autem & inferere fructiferum germen, & seminare semen bonum, quod trigessimum, sexagesimum, & centesimum fructum, fecundante Deo, possit afferre. Nam & hæc verba illa dominica sonare videntur, quibus Ieremiam prophetam, & in eo euangelicum sacerdotem instruxit, dicens: *Dedi verba Ierem. 1. mea in ore tuo. Ecce constitui te super gentes, & regna, ut euellas, & destruas, & disperdas, & dissipes, & ædifices, & plantes* Id autem licet vniuersis ecclesiarum rectoribus incumbat, multo tamen fortius imminet Romanæ vrbis antistiti, qui a Domino Iesu Christo, ut caput esset ecclesiæ, in beato Petro accepit, & de pascendis dominicis ouibus, & LUC. 22. IOAN. 21. fratribus confirmandis, expressum & speciale noscitur habuisse mandatum. Inde siquidem est, quod nos licet insufficientes meritis ad prouidentiam apostolicæ sedis & ministerium vniuersalis ecclesiæ a Deo, quo (ut ipsi placuit) disponente vocati; quia in ecclesia Dei correctione videmus quamplurima indigere, tam ad emendanda quæ digna emendatione videntur, quam ad promulganda, quæ salutem fidelium visa fuerint expedire; de diuersis partibus personas ecclesiasticas decreuimus euocandas, quarum præsentia & consilio, quæ fuerint salubria, statuatur, & quod bonum, secundum consuetudinem antiquorum pa-

trum provideatur, & firmetur a multis. Quod si particulariter fieret, non facile posset plenum robur habere. Quocirca per apostolica vobis scripta mandamus, qualiter huic nostræ dispositioni plenis desideriis cooperari curetis, & prima dominica aduenientis quadragesimæ ad urbem Romam, ducente Domino, veniatis, & cooperante sancti Spiritus gratia, tum in corrigendis enormitatibus, tum in statuendis quæ Deo grata fuerint, communi studio quod fuerit agendum agatur, & in vno humero subleuemus arcam Domini, atque vno ore honorificemus Deum & Patrem Domini nostri Iesu Christi. Datum Tusculi vndecimo Kalendas Octobris.

CONCILII LATERANENSIS
GENERALIS,

Sub Alexandro III. summo pontifice,

DECRETA.

TITVLI CAPITVLORVM.

- | | |
|---|---|
| I. De electione summi pontificis. | XIII. & XIV. Ne aliquis multas habeat ecclesias. |
| II. De abolendis ordinationibus ab antipapis introductis. | XV. De testamentis clericorum. |
| III. Quales debeant esse qui eligendi sunt ad regimen ecclesie. | XVI. De ordinatione ecclesiarum. |
| IV. Qualiter prelati debeant cum subiectis hospitare. | XVII. De presentatione clericorum. |
| V. Ne aliquis ordinetur sine certo titulo. | XVIII. Vt prelati provideant magistris scholarum necessaria. |
| VI. Qualiter prelati debeant proferre sententiam in subiectos. | XIX. Ne laici imponant ecclesie onera. |
| VII. Ne noui census imponantur ecclesie. | XX. Ne torneamenta fiant. |
| VIII. Ne ecclesiastica beneficia alicui promittantur antequam vacent. | XXI. De treuguis seruandis. |
| IX. De ecclesia interdicta, & interdictorum sepultura. | XXII. De pace seruanda. |
| X. Ne monachus vel alius religiosus recipiatur sub precio. | XXIII. Leprosi sibi metipsis priuatam habeant ecclesiam & cimiterium. |
| XI. Ne clerici in sacris ordinibus constituti focarias habeant. | XXIV. Prohibentur Christiani ne seruiant Saracenis. |
| XII. Ne clerici presumant saculares procuraciones suscipere. | XXV. Ne manifestus usurarius recipiatur ad communionem altaris. |
| | XXVI. Ne Christiani habitent cum Iudæis vel Saracenis. |
| | XXVII. De hereticis. |